

Trahadonan local di Aruba Airlines a ricibi retiro



ARUBA Airlines ta un compania registra aki na Aruba pero cu no ta efectua vuelonan pa of for di Aruba pero mas tanto a concentra nan mes pa duna servicio for di Miami pa Cuba y for di Miami pa Nicaragua y esaki a bin ta sosodiendo pa algun aña caba.

Sinembargo cosnan no ta bayendo bon cu e compania aki mirando cu lo tin otro compania tambe a cuminsa duna mesun servicio aki loke a pone cu Aruba Airlines mester cuminsa reduci su gastonan y esaki mas tanto lo concentra su mes riba trahadonan di Aruba of bibando aki na Aruba kendenan ta piloto of co-piloto.

Algun siman atras, trahadonan a ricibi un carta caminda gerencia ta anuncia medidanan di austeridad den e compania y a informa cu pilotonan cu tin un salario mas halto, lo tin cu entrega 40% di esaki, esunnan cu tin un nivel di salario mas abou lo tin cu entrega 30% y otro personalnan di cabina lo tin entrega 20% loke sin duda no a cay bon cerca e trahadonan aki.

Na mes momento a muestra cu e cantidad di personal riba e avionnan ta mas halto cu lo normal pero reduccion di salario lo tin mas bien di haci cu otro desaroyonan cu Aruba Airlines a bin ta confrontando.

E compania pa hopi tempo ta bulando c'un solo avion y a keda pa expande esaki c'un avion mas pero esaki no a tuma luga y kisas e problema mas grandi a bira ora cu otro compania a haya permiso pa bula e ruta aki tambe ofreciendo un prijs mas abou.

Aruba Airlines for di 2022 a inicia cu vuelonan di Corsou pa Miami loke tampoco a bira un exito y mientras cu ta papia di medida pa baha gasto, AWEMainta a ricibi informacion cu e trahadonan biba of residencia aki na Aruba, a ricibi carga di retiro di e compania y den e grupo di piloto y co-pilotonan aki, tin algun di Aruba y otronan di nacionalidad Venezolano.

E compania tin 10 capitan y 13 co-piloto loke sin duda ta un grupo hopi grandi pa solamente un avion y pa algun tempo caba e aparato ta staciona na Miami ya cu no tin vuelo pa haci. A pidi e grupo di pilotonan un reduccion di salario di 40% pa e siguiente dos luna si no e compania lo tin cu bay over na retira personal pero hasta si nan acepta e reduccion di salario aki, e accion aki lo no bay scapa e compania ya cu tin demasiado piloto pa unicamente un avion y riba dje no tin vuelo pa nan ehecuta.




We Are HIRING

Join Our Award-Winning Team
#21 TOP HOTELS IN THE WORLD ON TRIPADVISOR
THE FIRST CARBON NEUTRAL RESORT IN THE CARIBBEAN

OPEN POSITIONS

- ✓ **HR COORDINATOR**
- ✓ **HOST/HOSTESS (AM/PM)**
- ✓ **BARTENDER**
- ✓ **COOK**
- ✓ **NIGHT AUDITOR**
- ✓ **ROOM ATTENDANT**
- ✓ **TURNDOWN ROOM ATTENDANT (2PM TO 10PM)**
- ✓ **HOUSEKEEPING SUPERVISOR**
- ✓ **SUSTAINABILITY MANAGER**
- ✓ **DIRECTOR OF OPERATIONS**

BENEFITS

ATTRACTIVE SALARIES WITH VARIOUS BONUS OPPORTUNITIES
5-DAY WORKWEEK (40-HOURS A WEEK)
WITH UP TO 27 VACATION DAYS BASED ON YEARS OF SERVICE
GYM MEMBERSHIP WITH BODYZONE AND CUTS & CURVES
+ LIFE AND HEALTH INSURANCES
SAVINGS & LOAN PROGRAM
EMPLOYEE DISCOUNTS AT TARA ECO,
A MAJOR LOCAL SUPERMARKET AND GARAGE



APPLY ONLINE AT: WWW.BUCUTI.COM/CAREERS